

欽州志卷之八

知州林希元輯

名宦

欽州

備兵使臣二人

宋

余靖字安道韶州曲江人少不事羈檢以文學稱鄉里舉進士起家爲贛縣尉試書判拔萃三轉至集賢校理論范仲淹不宜謫官落職監筠

欽州志卷八

一

州酒稅徙監泰州酒稅仁宗時爲右正言在廷多論列皆廟堂大計三使契丹習外國語嘗爲蕃語詩爲御史所劾出知言州以失勢爲仇人茹孝標所訟不自得求侍養去改將作少監分司南京居曲江已而授左袖武軍大將軍雅州刺史壽州兵馬鈐轄辭不就再遷衛尉鄉知處州丁父憂去儂智高反邕州乘勝掠九郡以兵圍廣州朝廷方顧南事就喪制中起靖爲秘書監知潭州改桂州以廣南西路委靖經制智高

西走邕州靖策其必結援交趾而脅諸峒以自固乃約李德政會兵擊賊於邕州備萬人以討之而詔亦給緡二萬助德政興師且約賊平賞以緡錢二萬又募儂黃諸姓酋長皆縻以職使不與智高合既而朝廷遣狄青將兵共討賊青卻交趾援兵不用賊平就遷靖給事中御史梁蒨言賞薄又遷尚書工部侍郎諸將班師獨留靖廣西遣人入特磨道擒智高母子弟三人生致之闕下加集賢院學士徙知潭州又徙青州

欽州志卷八

二

交趾蠻申紹泰寇欽州思廩管又寇邕州殺巡檢宋士堯等五人上聞迺召靖於青州面諭曰以卿熟嶺南事今授卿體量安撫使亟往無辭以如京使知邵州賈侯師熊副之擇材勇者自從帥荆湖兵以行其年冬至邕遣介召交趾用事者費嘉祐於麾下詰之嘉祐訴云本無惡心但近邊種落苦邕人侵擾含怨不能自明迺相聚以起犯官軍以地遠不與知願悉推治還所擄掠及械罪人以自贖靖信之厚謝遣去嘉祐

歸遂不復來出知廣州官至工部尚書

考正

按一統志云余靖知欽州撫寧夷獠嶺海晏然嘉祐間交趾蠻寇邕以靖為廣西體

量安撫使至則召以交趾用事五人送欽州于嘉祐

祐惶悚願取首惡以獻即械五臣送欽州于嘉祐

平界據公本傳則公自青州為固諭以使李師嶺中

去南則公實未嘗體知欽州也一統志無辭及費嘉祐

本惶悚則謂嘉祐歸遂不復來彼此互異以意度

廣之襄公實未嘗知欽屬邕管州後來漸失其

剛

欽州志卷八

林錦字彥章別號雙溪福建連江縣人以景泰

庚午鄉薦署合浦縣訓導事正身立教旁邑諸

生多從問學時四郊盜起郡縣束手無策公屢

陳禦盜方畧當路竒之天順改元巡撫崑山葉

文莊公命攝靈山初至見城斗窄南郭外居民

近千家乃環民居樹木為柵凡五百餘丈并

徙近鄉之民居之民免寇患歲不登民艱食發

倉賑濟民不流餓以訓導秩滿之京盜燬其柵

民失庇咸潰入山谷避寇相泣思公葉公以狀

聞請知靈山縣詔從之許馳驛之任民聞大喜  
相率來歸既至革諸宿弊政令一新是歲又不  
登穀價湧貴米斛至千錢公乃發倉以賑窮餓  
又奏蠲其賦民用蘇是時賊勢猖獗擄掠無虛  
日公乃單車入賊壘諭以禍福賊感化於是近  
縣二十五徭皆改甲爲良民有弗率者躬甲冑  
隨賊所至提兵擊之天順壬午正月敗賊于羅  
禾水口二月敗賊于虛黃崗嶺五月大敗賊于  
新庄前後俘斬近六百人還所擄掠男婦千餘

欽州志卷八

四

人賊憚解去攻他邑不敢復近靈山賊退乃去  
柵柵築土城丈四百有竒徙縣治於中城遂宏廓暇  
日脩學校教生徒勸民力農桑務孝弟禁淫祀  
民稍知向風成化丙戌以功陞知廉州府時民  
經寇患生理凋瘵飢者弗食公至發賑如靈山  
前後所活數萬人適有群盜寇清和鄉官軍睥  
睨不敢近公昇肩輿直造賊望見驚懼稽首散  
去者千餘人其弗服者縱兵殺之盡自後聞寇  
至即徃徃必俘馘以歸脩城池飭樓櫓利器械

暇日召父老問民所疾苦吹噓摩撫如在其身  
脩治學宮教訓子弟於儒學南開通渠加石梁  
作化龍亭戍子遷廣東按察司僉事轉副使專  
治廉州乃益殫心慮相山川險要設團河營以  
禦西寇設新寮營以禦南寇設洪崖營以塞寇  
出沒之路於是寇至則獲期月間誅豪酋三百  
有畸所還擄掠視靈山而倍流逋咸歸禾稼大  
熟商賈四至物價益平己丑按欽州脩城浚濠  
儒學壞且盡乃讓行臺作明倫堂貨堂左民居

欽州志卷八

五

作夫子廟別作行臺於城西南隅館驛舖舍無  
不脩治至永安見城壕低淺甚於欽州大爲脩  
浚設樓櫓利器械如守廉時庚寅春復至靈山  
謂土城非久遠計易以磚石未周歲城成重作  
靈山縣治下至道路橋梁無不脩治達官舍室  
廬器物園圃皆爲處給咸獲所安於民利病酌  
其可垂經久者言之于朝前後三十餘疏朝廷  
知其忠贄咸嘉納如立總府於蒼梧爲嶺海生  
民無窮之福則其大者在任二十餘年軍民按

堵狼獠猺獐亦皆向化晚年邊境無事遂致政  
歸民思之不忘立生祠祀之欽州亦有專祀  
論曰吾觀林雙溪豈非豪傑之士哉遷史稱李  
牧居鴈門備匈奴習騎射謹烽火多間諜大破  
匈奴滅襜褴单于奔走十餘歲不敢近趙邊不  
聞惠養旬宣之政班史稱龔遂治渤海單車獨  
行至府盜賊悉平開倉廩假貧民勸民務農桑  
勞耒循行郡中皆有畜積獄訟止息不聞折衝  
敵愾之功若吾雙溪可謂兼之矣豈非振古之  
豪傑哉獨怪公之才畧事功不少古人而官止  
副使竟不得如龔黃之大拜不知當時之爲公  
卿皆何如人此則當時用人者之遇於公何損  
然所居民富所去民思生有榮號死見專祀雖  
當時之爲卿相者未之有也公之所得不益多  
乎哉不益多乎哉

### 州官八人

徐的字公準建州建安人擢進士第補欽州軍  
事推官欽土煩鬱人多死於瘴厲的請徙州治

瀕水可無患轉運使鄭天益爲奏聞從之因留的使辦役的短衣持挺與役夫同勞苦築城郭立樓櫓以備戰守畫地以居軍民爲府舍倉庫溝渠廛肆之類民便之遷大理寺丞

陶弼字商翁永州人少倻放蕩吳中行山間有雙鯉戲溪上竚觀之傍一老父顧曰此龍也行且鬪君宜亟去百步許雷大震而雨崖圯木拔又出大雲倉卒遇風暴至舟二十七艘同時溺弼舟得濟人以是異之一見丁謂妻以宗女

欽州志卷八

七

因從學兵法能持論縱橫慶曆中楊旼討湖南徭弼上謁旼授之兵使往大破之以功得陽朔主簿儂智高犯南海旼爲安撫使辟叅軍府罷調陽朔令課民植木官道傍夾數百里自是行者無夏秋暑暍之苦他郡縣悉效之攝興安令移書說杜守尚固浚靈渠以通漕不聽至李師中率叟之師征安南餽餉於是乎出大爲民利知賓兗州徙欽州重葺郡城濬治壕塹郡治愈固能爲詩政暇多題詠備在郡志

陳永齡熙寧間知欽州交趾入寇永齡躬率兵  
櫻城固守城陷不屈而死邦人感而祀之  
楊友紹興初知欽州交趾遣使爭地界友植鉄  
鎗於庭曰若欲爭地麀戰一場交趾使爲之惕  
息郡人號爲楊鉄鎗  
岳霖淳熙三年知欽州交趾遣人入貢使者肆  
毀驛舍霖封劒示其都監曰若不葺而行當以  
軍法相待交人畏服營繕如故而後行霖岳武  
穆之次子也

欽州志卷八

八

凍阿木洛陽人任達魯花赤聰明特達留心庶  
務一日政暇出觀南關外曠野平饒遂謀爲屯  
田之計招來流民百餘家給以牛具種子令墾  
田畝浚溝渠盡地之利歲有所入以助軍儲至  
於放生塘墾田亦如之又爲惠民倉貯穀以賑  
飢民至今稱之

蔡惟溥福建泉州晉江縣人永樂三年由進士  
擢知香山縣性純篤喜怒不形在任勸勉學校  
以弘化理撫集逃民時邑有三虎深爲民患惟

溥設方畧率民捕之自是虎患悉除閭里以安  
任滿老稚保留攀援不釋陞知欽州興學校除  
豪猾勤力撫字州中稱治

李純字道夫福建莆田人以正德六年進士知  
欽州宅心正大處事公平杜絕私門苞苴不入  
興學校治豪猾築壕堤建西門橋立墟市又於  
游魚洲北築堤以障江水俾迴流以護州城其  
功尤鉅蛋民麥冬仔作耗海上設法捕之其黨  
悉平安南黎飯作亂僭號東興王兵敗逃入南

欽州志卷八

九

寧抵欽累餽金求容却不受陞韶州府同知尋  
轉南京宗人府經歷

縣官五人

唐

李邕字泰和楊州江都人少以文學名於時初  
以秘書李嶠監察都御史張廷珪薦授左拾遺  
後坐善張柬之出爲南和令貶富州司戶叅軍  
韋氏平召升左臺殿中侍御史遷戶部員外郎  
爲岑羲崔溫所忌貶舍城丞玄宗即位召爲戶

部郎中轉御史中丞爲姚崇所嫉左遷括州司馬起爲陳州刺史帝封太山還邕見帝汴州詔獻辭賦帝悅然矜肆自謂且宰相素輕張說與相惡說令仇人告邕賦賦貸枉法下獄當死以許昌男子孔璋上書得減死貶遵化尉後從中人楊思勗討嶺南賊有功陞灋州司馬

宋

鄭光祖字時若福建候官縣人 年甲午秋來宰是邑德孚於民民思之不忘

欽州志卷八

十

毛溫廣西富川縣人神宗時任本縣主簿交趾入寇欽廉守令望風奔遁溫率部民迎敵遂挫賊鋒

國朝

鄧忠湖廣德安州人洪武中任本縣典史行政利民陞工部主事

黃勉江西餘平縣人永樂初承是邑公廉正直蒞政勤謹陞順天府治中

人物

欽州

唐

甯長真本烏武獠世爲南平渠帥陳末以其帥  
猛力爲越州太守陳亡自以爲與陳叔寶同日  
而生當代爲天子乃不入朝隋兵阻瘴不能進  
猛力死長真襲刺史及討林邑長真出兵攻共  
後又率部兵數千從征遼東煬帝召爲鴻臚卿  
授安撫大使遣還隋亂皆以地附蕭銑唐武德  
初以寧越鬱林之地降自是交愛數州始通高

欽州志卷八

十一

祖授長真欽州都督長真獻大珠高祖以道遠  
勞人不受後反陷封山縣未幾死子據襲刺史  
甯悌原欽江人少好學永昌中進士屢官至諫  
議大夫兼脩國史一日玄宗取所脩國史閱之  
見直書隱巢事諭曰白馬求卿黃金贖罪卿以  
爲何如悌原叩首曰周公誅管蔡季友鳩叔牙  
雖太宗不得已之誅亦隱巢有以自取爾由是  
忤旨去官而卒葬於大墓山詔發嶺南五府兵  
以給塋事立祠於上蒙村

志一統

國朝

梁里許洪武甲子科舉人任江西吉安府教授  
陞國子監監丞糾繆繩愆克盡厥職四方學者  
稱之卒于官

陳善住監生任山西平陽衛經歷陞蒲縣知縣  
歷任三十餘年所至盡職人民仰慕妻子不入  
官舍自號其居曰鰥巢魯有詩寄其妻曰行人  
萬里傳音信報到荆妻鬢尚烏自愧生疎三十  
載我爲釋友爾爲姑

欽州志卷八

十二

楊冠字尚文由景泰庚午鄉試任浙江嘉興府  
同知陞廣西平樂府知府在任廉能自蠲己俸  
鑄造本州文廟祭器數百值百餘金雙親兩膺  
誥命致政而歸公門不入鄉人重之

流寓

唐

張說字道濟或字說之其先自范陽徙居河南  
隨世爲洛陽人武后時說爲鳳閣舍人張易之  
譖魏元忠嘗言太后老矣不若挾太子爲久長

太后怒下元忠獄昌宗密引張說賂以美官使證元忠說許之太后召說入說未對昌宗從旁迫趣說使速言說曰陛下視之在陛下前猶逼臣如是况在外乎臣實不聞元忠有是言易之太后曰說反覆宜繫治之竟貶元忠高要尉流說欽州

宋

呂祖泰祖儉從弟也性踈達尚氣誼論世事無忌諱先是祖儉以言事貶祖泰語其友曰自吾

欽州志卷八

十三

兄之貶諸人箝口我雖無位義必以言報國當少湏之今亦未敢以累吾兄也至是祖儉卒祖泰乃擊登門鼓上書論韓侂胄有無君之心請誅之以防禍亂書出中外大駭有旨呂祖泰挾私上書語言狂妄拘管連州尋杖祖泰一百配欽州牢城收管祖泰自期必死冀以身悟朝廷了無懼色既至府尹爲好語誘之曰誰教汝共爲章試言之吾且置汝祖泰笑曰公何問之愚也吾固知必死而可受教於人且與人議之乎

尹曰汝病風喪心邪祖泰曰以吾觀之若今之附韓氏得美官者乃病風喪心耳

靈山縣

宋

黃叔達字公濟爲人鯁介持風節補正額攝官隨軍攻破交趾玉山寨克復廣源等五州以功轉承議郎卒子五人濤渙沉漸洌濤沉終辟雍士餘俱歷官見于後

黃渙字彥舟叔達次子元符二年鄉薦崇寧間

欽州志卷八

十四

授定州文學上書論天文政和七年陞通直郎宣和五年以選次赴京會虜入寇渙率在部官奔南薰門外上表乞留聖駕已而奔南京奉表勸進高宗壯其志擢授兵部郎建炎三年臨戰陣亡詔贈朝奉大夫

檀昭字福彰上武安鄉人補弟子員由歲貢卒業胄監需次銓曹援例依親時四郊盜起昭團結鄉人爲防禦計屢敗賊鋒名聞當道授以民兵與賊大小二十餘戰皆捷所斬獲首級六百

有竒天順五年九月八日廣西龍山賊剽掠靈山至城下退劄六勝村時昭平日所用之兵惟劉彥芳一人在旁乃借湊民快三百餘人以往兵非素用臨戰皆却走昭與劉彥芳隨遇害藩鎮重臣遣官臨祭士夫多爲詩歌哀輓郡守饒秉鑑爲作傳備兵副使林錦序其挽詩論曰吾觀檀上舍其勇足稱矣其知則未也夫義士俟次銓曹援例家食未受

朝廷一命之竒團結鄉兵自爲防守計則可受委於

欽州志卷八

十五

官而任捕盜之責非也非其責而任之則出位非素用之兵而率以戰則輕敵死於無名則傷勇故曰其知則未也使義士斂其鋒鏑待用於時而以是死豈不轟轟烈烈光史策而血食千祀乎

孝婦

劉氏邑人王康臣妻貢士劉顏之女慶元二年康臣父世賢病篤劉氏割肝療之世賢即日病愈郡守林侯奏立旌孝坊以表之

欽州志卷之八終

欽州志卷八